

Schwarz-Schilling se u Sarajevu sastao s hrvatskim premijerom Sanaderom i informirao ga o trenutnoj situaciji u Bosni i Hercegovini



Visoki predstavnik i specijalni predstavnik EU, Christian Schwarz-Schilling se danas u Sarajevu sastao s hrvatskim premijerom Ivom Sanaderom.

Visoki predstavnik i specijalni predstavnik EU je premijera Sanadera informirao o trenutnoj situaciji u Bosni i Hercegovini, produženju mandata Ureda visokog predstavnika i najnovijim dešavanjima u pogledu odvijanja ključnih reformi.

Visoki predstavnik i specijalni predstavnik EU je premijeru Sanaderu takođe skrenuo pažnju na značaj procesa ustavne reforme, podršku koju planira pružiti međunarodna zajednica, kao i na buduću ukupnu ulogu međunarodne zajednice.

Visoki predstavnik i specijalni predstavnik EU je potakao premijera Sanadera na nastavak konstruktivne uloge u rješavanju svih preostalih bilateralnih pitanja između Bosne i Hercegovine i Republike Hrvatske.